

मार्निंग डोगरी न्यूज़ बुलेटिन,

समा. 09.20 Hrs

<><><><><><><><><><><><>

Headlines

- प्रधानमंत्री नरेन्द्र मोदी होर अज्ज कोलकाता च संयुक्त कमांडरें दे व्रंऊ-रोजा सम्मेलन दा उदघाटन करगंन।
- उपराज्यपाल मनोज सिन्हा होरें श्रीनगर च जम्मू-कश्मीर दी पैहली पार्सल कार्गो रेल सेवा गी झंडी दस्सियै शुरु कराया। एदे कन्नै दिल्ली ते कश्मीर बश्कार बपार सम्पर्क च बाद्दा होग।
- आई.जी.पी. जम्मू होरें दस्सेया ऐ जे पुंछ च आतंकवादियें दे व्रंऊ समर्थकें गी गिरफ्तार कीता गया ऐ। 7 ए.के. रफलां बी बरामद कीतियां गेइयां न।
- एशिया कप च भारत नै पाकिस्तान गी 7 विकटें कन्नै हराई दिता ऐ। कप्तान सूर्यकुमार यादव होरेंअ स जित्त गी भारतीय हथियाबंद बलें गी समर्पत कीता ऐ। जम्मू-कश्मीर दे युद्वीर सिंह चाढ़क होरेंगी आस्ट्रेलिया-ए खलाफ इक्क रोजा सिरिज़ लेई भारतीय -ए टीम च चुनेया गया ऐ।
- जम्मू-श्रीनगर राष्ट्रीय जरनैली सिड़क अज्ज श्रीनगर थमां जम्मू लेई हौली गड़्डियें लेई खुली रौहग- अज्ज जम्मू थमां श्रीनगर लेई जाने दी इजाजत नैई होग।

<><><><><><><>

PM Kolkata Visit

प्रधानमंत्री नरेन्द्र मोदी होर अज्ज कोलकता दे विजय दुर्ग च भारती फौज दे पूर्वी कमान मुख्याल च संयुक्त कमांडरें दे सम्मेलन दा उदघाटन करगंन। एह सम्मेलन 17 सितम्बर तगर जारी रौहग। रक्षामंत्री राजनाथ सिंह होर बी इस कार्यक्रम च हिस्सा लैगंन। प्रधानमंत्री मोदी होर जंदे रोज संजा कोलकाता पुज्जे ते कोलकाता दे राजभवन च रातीं रुके हे। त्रंऊ दिनें दे संयुक्त कमांडरें दे सम्मेलन दौरान दुनिया च मौजूदा सियासी हालात दी पछोकड़ै च तकनीकी तरक्की-सशस्त्र बले दे त्रौनें अंगें बशकार तालमेल ते आधुनिकीकरण ते होर दुए सरबन्धत पैहलुएं पर चर्चा कीती जाग।

<><><><><><>

LG CM Cargo Service

उपराज्यपाल मनोज सिन्हा होरें अज्ज श्रीनगर रेलवे स्टेशन थमां जम्मू-कश्मीर दी पैहली नियमित संयुक्त पार्सल उत्पाद- “रैपिड कार्गो सेवा पार्सल” रेल गड्डी दी शुरुआत कीती। इस मौके पर राई-बाई मंत्री जावेद डार बी मौजूद हे। एह नमीं सेवा मध्य कश्मीर च बडगाम गी आदर्श नगर-दिल्ली कन्ने जोड़दी ऐ। एह इस खेतर दे आर्थिक एकीकरण च इक महत्वपूर्ण तरक्की दी नुमायंदगी करदा ऐ-कीजे खास मालवाहक रेलगड्डी तेज-सुरक्षत ते मती किफायती परिवहन प्रदान करदी ऐ। एहदे कन्ने कश्मीर दे मशहूर सेऊएं ते होर दुए फलें गी दिल्ली दे बजारें ते मुख्य भरे च बेहतरीन स्थिति च पुजाने दी गारंटी होग-जेहदे कन्ने बपार च बाद्दा होग ते करसानें दी औंदन च बी बाद्दा होग ते बपार च बाद्दा होग ते करसानें दी औंदन च बी बाद्दा होग।

Arms & Amm Recovered

जम्मू दे आई.जी.पी. भीम सेन टूटी होरें जंदे रोज घोषणा कीती ऐ जे सुरक्षाबलें पुंछ च आतंकवाद दा समर्थन करने आहले त्रंऊ जनें गी गिरफ्तार करियै भारी तदाद च थह्यार ते गोला-बरुद दे कन्नो-कन्नी 7 ए.के. रफलां बरामद करियै इक महत्वपूर्ण उपलब्धि हासल कीती ऐ। सोशल मीडिया हैंडल “एक्स” पर इक पोस्ट च आई.जी.पी. जम्मू होरें इसी जम्मू-कश्मीर पुलिस आसेया कीती गेदी इक शानदार जांच-पड़ताल करार दिंदे होई टीम दे अथनक जतनें दी सराहना कीती-जेहदे कन्नै एह कामयाबी हासल होई। पोस्ट च उनें अगगे आक्खेया जे सख्त दृढ़ निश्चय ते कारियें दी जांच दे नतीजें कन्नै आतंकवाद आस्तै हमदर्दी रक्खने आहले त्रंऊ लोकें गी गिरफ्तार कीता गया ऐ। 7 ए.के-जिन्दे चा 4 पैहलें बरामद कीतियां गेइयां हियां ते कन्नै गै बड़्डी मात्रा च थह्यार ते गोला-बरुद बी बरामद कीते गे न।

Sewa Parav

प्रधानमंत्री नरेन्द्र मोदी हुंदी अगुआई तैहत सरकार, सेवा ते सुशासन दे मंत्र कन्नै बदलाव आनने ते प्रगति लेई अनथक तरीके कन्नै कम्म करा करदी ऐ। अज्ज इस खास श्रृंखला “सेवा पर्व” च अस तुसेंगी दस्सगे, जे मोदी सरकार नै कियां खरे तरीके कन्नै साढ़े पर्यावरण ते जैव बन्न-सब्भन्नता च बदलाव आंदा ऐ। मुख पैहलकदमियें जियां प्रोजैक्ट टाईगर, लाइन ते चीता तैहत लुप्त होआ करदियें प्रजातियें गी परतियै जीवित कीता ऐ। भारत हून दुनिया दी सब्भनें

कोला मती चीते दी आबादी आहला मुख्य ऐ ते मुख्यै च 891 एशियाई शेर न। वैटलैंड संरक्षण दा विस्तार 91 रामसर स्थलें तोड़ी होई गेदा ऐ, जेड़ा एशिया च सब्भनें कोला मता ऐ। “एक पेड़ मां के नाम” अभियान तैहत 142 करोड़ कोला मते बूटे लाए गे। जंगल दा दायरा बढने ते लोकें दी मजबूत भागीदारी कन्नै, भारत इक्क पर्यावरण मुआफक ते टिकाऊ भविष्य आहले पाससै अगड़ा बढा करदा ऐ।

<><><><><><>

Programme-Announcement

सेवा सप्ताह 2025 दे तैहत आयोजित बक्ख-बक्ख कार्यक्रमें ते गतिविधियें दे इक हिस्से दे तौरा पर आकाशवाणी दा क्षेत्रीय समाचार एकांश जम्मू, औंदी 15 सितम्बर गी दिनें 12 बजे 25एं मिनटें दी इक वशेष परिचर्चा प्रसारत करने जा'रदा ऐ-जेहदा विषय सार ऐ- “मिट्टी थमां स्मृद्धि तगर दा सफर, राई-बाई ते करसानें दा सशक्तिकरण”। इस कार्यक्रम च स्हाड़े परौहने होगन- स्कॉस्ट जम्मू दे सॉयल साइंस डिविजन दे हेड प्रो. विकास शर्मा होर- जेहड़े इस विषय दे बक्ख-बक्ख पैहलुएं पर लौ पागन। उन्दे कन्नै गल्लबात करगन अभिलाषा शर्मा ते विजय बजाज। 25एं मिनटे दा एह कार्यक्रम 15 सितंबर गी दिने 12 बजे प्रसारत कीता जाहग, जिसी तुस स्हाड़ी FM फ्रिक्वेंसी 100 इशारिया 3 मैगाहर्ट्स ते कन्नै मीडियम वेव 303 मीटर यानि 990 Khz पर बी सुनी सकदे ओ।

<><><><><><>

India –Pak Match

एशिया कप ग्रुप-ए दे मुकाबले च जंदी संजा दुबई च भारत नै पाकिस्तान गी 7एं विकटें कन्नै हराई दिता। पैहले बल्लेबाजी करदे होई पाकिस्तान दी टीम नै 19 इशारिया 3 ओवरें च छड़े 126 रनज बनाए। भारत नै बड़े सैकखे एह लक्ष्य हासल करी लैता। अभिषेक शर्मा नै 13एं गेदें च 31 रजन बनाए। कप्तान सूर्य कुमार यादव होरें बगैर आऊट होए दे 47 रनज बनाए। मैच च मगरा अपनी टिप्पणी च कप्तान सूर्य कुमार यादव होरें इस जित गी भारतीय हथियारबंद बलें गी समर्पित कीता। उनें पैहलगाम आतंकी हमले दे पीड़ितें दा सम्मान करदे होई इयां कीता। जित दे मगरा पूरे जम्मू-कश्मीरच जशन मनाया गया.

<><><><><><>

Yudhvīr –India (A) Team

जम्मू-कश्मीर दे प्रतिभाशाली तेज गेंदबाज युद्धवीर सिंह चाढ़क होरें गी आस्ट्रेलिया -ए खलाफ 30 सितम्बर -2025 थमां शुरु होने आहली त्रै मैचें दी इक-रोजा क्रिकेट श्रृंखला च भारत-ए टीम लेई चुनेया गया ऐ। भारती क्रिकेट कंट्रोल बोर्ड (बी.सी.सी.आई.) नै इस महीने दे अखीरे च कानपुर च आस्ट्रेलिया-ए खलाफ होने आहली त्रंऊ मैचें दी इक-रोजा श्रृंखला लेई कल भारत-ए टीम दी घोषणा करी दिती ऐ। युद्धवीर नै रणजी ट्राफी दे पिछले सत्र च शानदार गेंदबाजी प्रदर्शन करदे होई 7एं मैचें च 26 विकटां हासल कीतियां हियां ते सैयद मुश्ताक अली ट्राफी दौरान बी 7एं मैचें च 9 विकटां हासल कीतियां हियां।

<><><><><><>

GST Reforms

समूलचे जम्मू-कश्मीर च बसनीकें अगली पीढी आहले जी.एस.टी. सुधारें तैहत जी.एस.टी. दरें च हाल च कीती गेदी कटौती दा सुआगत कीता ऐ ते इसी आम आदमी लेई इक्क बड्डी राहत दस्सेया ऐ। प्रधानमंत्री नरेन्द्र मोदी हुंदे आसेया आजादी आहले ध्याड़े पर घोषित कीते गेदे ते त्रै सितम्बर गी जी.एस.टी. कौंसल च मंजूर कीते गेदे सुधारें कन्नै टैक्स दी दरां सखल्लियां होइयां न ते जरूरी क्षेत्रें पास्सै ध्यान दिता गया ऐ। आयुर्वेद-यूनानी ते होम्योपैथी दवाइयें पर जी.एस.टी. 12 फीसद सवां घटियै 5 फीसदी होई गया ऐ ते मैडिकल उपक्रमें पर जी.एस.टी. हून छड़ा 5 फीसदी होग। एह बदलाव 22 सितम्बर गी लागू होई जागंन। एदा मकसद सेहत दी हिफाजत सरबन्धी सरिस्तें गी मता पुज्जत जोग बनाना ते घरेलू उत्पादन च बाद्दा करना ऐ। आकाशवाणी कन्नै गल्लबात करदे होई मुकामी लोकें इस फैसलै दा सुआगत कीता ऐ।

<><><><><><>

Highway

जम्मू-श्रीनगर जरनैली सिड़क (NH44) पर ट्रैफिक श्रीनगर थमां जम्मू जान आहली हौली मोटर गड्डियें लेई खुल्ले दा ऐ। उआं गड्डियें गी जम्मू थमां श्रीनगर जाने दी इजाजत नैई ऐ। अधिकारियें दा गलाना ऐ जे यात्री अपनी यात्रा दी योजना सिड़क दे हालातें दे मददेनजर गै बनान ते ड्यूटी पर तैनात ट्रैफिक कर्मियें कन्नै सैहयोग करन। जरनैली सिड़क पर ट्रैफिक दी सुचार बवस्था बनाई रक्खने लेई इक तरफा ट्रैफिक सरबन्धी इस गें गी लागू कीता गया ऐ। यात्रियें गी अधिकारिक ट्रैफिक सलाह दे माध्यम कन्नै सूचित रौहने आस्तै आक्खेया गया ऐ।

<><><><><><>

Jashn-e-Dal Water Sports Festival

श्रीनगर दी “डल झील” पर पानी सरबन्धी खेड्ड महोत्सव “जश्न-ए-डल” दा आयोजन होआ करदा ऐ। व्रंऊ-रोजा इस महोत्सव च 700 कोला मते प्रतिभागी हिस्सा लै करदे न। एह प्रतिभागी 20एं कोला मती खेड्डें जियां केनोईंग, ड्रैगन बोट, केयाकिंग ते शिकारा दौड़ च हिस्सा लै करदे न। इस महोत्सव दा आयोजन जम्मू-कश्मीर पुलिस नै कीते दा ऐ। एदी शुरुआत 13 सितम्बर गी होई ही ते एह अज्जै तोड़ी चलोग। एदा मकसद घाटी च सैलसफा ते नौजवानें सरबन्धी गतिविधियें च बाददा करना ऐ।

<><><><><><>